

至欽則斬置離置離兄輔國侯狐蘭支將置離衆二千

餘人驅畜產舉國亡降匈奴師古曰盡率一國之衆也是時莽易單

于璽單于恨怒遂受狐蘭支降遣兵與其寇擊車師殺

後城長傷都護司馬及狐蘭兵復還入匈奴時戊巳校

尉刁護病遣史陳良屯桓且谷備匈奴寇師古曰且史音子余反

終帶取糧食司馬丞韓立領諸壁右曲侯任商領諸壘

相與謀曰西域諸國頗背叛匈奴欲大侵要死可殺校

尉將人衆降匈奴如淳曰言匈奴來侵會當死耳可降匈奴也師古曰要音一妙反即

將數千騎至校尉府脅諸亭令燔積薪師古曰示為燹火也分告

諸壁曰匈奴十萬騎來入吏士皆持兵後者斬得三四